

Херцеговине о реализацији Акционог плана за реализацију пројекта "Развој трговине и домаћег тржишта у Федерацији Босне и Херцеговине" 2016. - 2019. година, једном годишње.

4. Акциони план за реализацију пројекта "Развој трговине и домаћег тржишта у Федерацији Босне и Херцеговине" за период 2016. - 2019. година, потребно је објавити на веб страницама Владе Федерације Босне и Херцеговине и Федералног министарства трговине.
5. Овај закључак ступа на снагу даном доношења, а објавит ће се у "Службеним новинама Федерације БиХ".

В. број 1034/2017  
20. јула 2017. године  
Сарајево

Премијер  
**Фадил Новалић**, с. р.

## FEDERALNO MINISTARSTVO PRAVDE

### 1052

На основу члана 268. став 1. Закона о наслеђивању у Федерацији Босне и Херцеговине ("Службене новине Федерације БиХ", број 80/14), федерални министар правде, на приједлог Notarsке коморе Федерације Босне и Херцеговине donosi

### PRAVILNIK O VISINI NAGRADE I NAKNADE TROŠKOVA NOTARA KAO POVJERENIKA SUDA U OSTAVINSKOM POSTUPKU

#### I - OPĆE ODREDBE

##### Član 1.

Ovim pravilnikom se utvrđuje visina nagrade i naknade troškova notara kao povjerenika suda u provođenju radnji u ostavinskom postupku, te način njihova obračuna i naplate od strane notara.

##### Član 2.

- (1) Notaru u provođenju pojedinog ostavinskog postupka, za sve u radnje u tom postupku pripada jedna nagrada i određuje se prema vrijednosti ostavine, osim ako odredbama ovog pravilnika nije drugačije određeno.
- (2) Vrijednost ostavine radi određivanja nagrade određuje se po slobodnoj ocjeni na osnovu izjava nasljednika, podataka utvrđenih u postupku i podataka koje su nasljednici podnijeli. Po potrebi, notar može po odredbama o procjeni ostavine radi razreza poreza na nasljedstvo odrediti obavljanje procjene putem vještaka na trošak nasljednika. Vrijednost čiste ostavine, radi naplate nagrade, utvrđuje se prema vrijednosti koju ostavina ima u vrijeme procjene.
- (3) Za utvrđivanje vrijednosti udjela i dionica u privrednim društvima i drugim pravnim osobama uzima se njihova nominalna vrijednost. Prilikom utvrđivanja vrijednosti čiste ostavine radi određivanja nagrade odbit će se ostaviteljevi dugovi, troškovi sahrane ostavitelja, legati i drugi tereti, troškovi popisa i procjene ostavine i drugi troškovi.

##### Član 3.

Za pojedine radnje u ostavinskom postupku notar ima pravo na posebnu nagradu samo u slučajevima određenim ovim pravilnikom.

##### Član 4.

Ako notar rješenjem odluči da se ne provodi ostavinska rasprava, jer umrli nije ostavio ostavinu, za obavljanje radnje u tom ostavinskom predmetu ne pripada mu nikakva nagrada.

##### Član 5.

- (1) Notaru u provođenju pojedinog ostavinskog postupka pripada pravo na naknadu nastalog i predvidivog mu troška

u punom iznosu, a trošak se određuje po pravilima Tarife o nagradama i naknadama za rad notara u Federaciji Bosne i Hercegovine (u daljem tekstu: Tarifa), ako odredbama ovog pravilnika nije drugačije određeno.

- (2) Radi obračuna troškova u ostavinskom postupku, u smislu ovog pravilnika, troškom se ne smatra utrošak papira i drugog uredskog materijala radi izrade i umnožavanja dovoljnog broja primjeraka zapisnika, rješenja i drugih isprava u ostavinskom spisu radi uručivanja nasljednicima, dostave spisa sudu i zadržavanja prijepisa spisa u notarskom arhivu.

##### Član 6.

- (1) Notar neposredno od nasljednika, tokom ostavinskog postupka, naplaćuje pripadajuću mu nagradu i naknadu troškova.
- (2) O obračunatoj i naplaćenoj nagradi i naknadi troškova, kao i o eventualno primljenom predujmu tih iznosa, notar je dužan voditi poseban obračunski list u spisu svakog ostavinskog predmeta, u kojem će hronološki bilježiti činjenice izvršenih uplata i plaćenih nagrada i naknada troškova u tom postupku. Po okončanju ostavinskog postupka, obračunski list će zaključiti potvrđujući jesu li mu u cijelosti podmireni nagrada i naknada troškova.
- (3) Jedan primjerak obračunskog lista notar zajedno sa potvrdom/računom iz stava 2. ovog člana ulaže u spis predmeta.
- (4) Notar će odbiti davanje klauzule pravosnažnosti i dostavljanje pravosnažnog rješenja o nasljeđivanju javnim registrima sve dok stranke ne izmire cjelokupni iznos notarske nagrade i naknade troškova.

#### II - ODREĐIVANJE NAGRADE PREMA VRIJEDNOSTI OSTAVINE

##### Član 7.

- (1) Za radnje notara oko pozivanja nasljednika na ročište za raspravu, za provođenje ostavinske rasprave, te donošenje i otpremanje rješenja o nasljeđivanju, kao i za druge radnje za koje ovim Pravilnikom nije određena posebna nagrada, notar je dužan obračunati nagradu u neto iznosu prema vrijednosti ostavine i to:

Vrijednost predmeta ostavine		Nagrada u KM
Iznad KM	do KM	
0.	5.000	50,00 KM
5.000	20.000	100,00 KM
20.000	50.000	145,00 KM
50.000	100.000	180,00 KM
100.000	200.000	260,00 KM
200.000	500.000	400,00 KM

- (2) Ako vrijednost ostavine prelazi iznos od 500.000,00 KM pored iznosa nagrade od 400,00 KM plaća se 0,5% na razliku preko 500.000,00 KM, ali ne više od iznosa maksimalne nagrade propisane Tarifom.
- (3) Ako nastupe uslovi za prekid postupka, za do tada obavljene notarske radnje, notar je dužan obračunati nagradu od 50% nagrade iz st. 1. i 2. ovog člana i naknadu svih do tada nastalih troškova postupka.
- (4) Ako se po okončanju prekida ostavinskog postupka ponovno povjeri notaru dovršenje ostavinskog postupka, notar je dužan obračunati nagradu i nastale troškove do punog iznosa nagrade po st. 1. i 2. ovog člana.

- (5) Za donošenje dopunskog rješenja o nasljeđivanju, nagrada se određuje prema vrijednosti imovine, koja je predmet tog dopunskog rješenja.
- (6) Za donošenje djelimičnog rješenja o nasljeđivanju, notar je dužan, prema vrijednosti nespornog dijela ostavine, koji je predmet djelimičnog rješenja o nasljeđivanju obračunati nagradu iz st. 1. i.2. ovog člana.
- (7) U slučaju donošenja posebnog rješenja o legatu plaća se nagrada prema vrijednosti legata na način propisan u st. 1. i 2. ovog člana.

### III - ODREĐIVANJE POSEBNE NAGRADE ZA POJEDINE RADNJE

#### Član 8.

- (1) Ako notar provodi pojedine radnje popisa i pečačenja ostaviteljeve imovine u pokrenutom ostavinskom postupku ili provodi prethodne radnje u povjerenom mu poslu prije pokretanja ostavinskog postupka, dužan je obračunati i posebnu nagradu u visini 75% nagrade iz člana 7. ovog pravilnika.
- (2) U svakom slučaju bez obzira na broj obavljenih pojedinih radnji iz stava 1. ovog člana, visina posebne nagrade ne može preći iznos koji notaru pripada po članu 7. ovog pravilnika.

#### Član 9.

Ako notar prima na depozit ostaviteljeve stvari, isprave, novac, dragocjenosti i vrijednosne papire, notar je dužan obračunati posebnu nagradu prema pravilima Tarife, koja reguliše depozit stvari, isprava, novca, dragocjenosti ili vrijednosnih papira.

#### Član 10.

- (1) Ako notar zbog ponašanja stranaka ili njihovih punomoćnika nije mogao obaviti pojedinu radnju iz povjerenog mu posla, dužan je obračunati 50% nagrade predviđene za tu radnju po odredbama ovog pravilnika.
- (2) Kada notar zbog obavljanja radnji izbiva iz ureda ili radnju obavlja izvan radnog vremena ili u neradne dane dužan je obračunati posebnu nagradu prema pravilima Tarife koja regulira dodatnu nagradu za takve slučajeve.

### IV - ZAVRŠNE ODREDBE

#### Član 11.

Stupanjem na snagu ovog pravilnika prestaje da važi Pravilnik o visini nagrade i naknade troškova notara kao povjerenika suda u ostavinskom postupku ("Službene novine Federacije BiH", br. 23/15, 59/15 i 59/16).

#### Član 12.

Ovaj pravilnik stupa na snagu narednog dana od dana objave u "Službenim novinama Federacije BiH", a primjenjivat će se od 01.08.2017. godine.

Broj 01-02-2-2303/17

19. jula/srpnja 2017. godine  
Sarajevo

Ministar  
**Mato Jozić**, s. r.

## FEDERALNO MINISTARSTVO OKOLIŠA I TURIZMA

### 1053

Temeljem članka 22. stavak 1. Zakona o turističkoj djelatnosti ("Službene novine Federacije BiH", broj 32/09) i članka 3. Pravilnika o stručnom ispitu za voditelja poslovnice putničke agencije ("Službene novine Federacije BiH", broj 30/10), i Rješenja Vlade Federacije BiH V. broj 1207/2015 od 17.09.2015. godine, Federalno ministarstvo okoliša i turizma donosi

## RJEŠENJE

### O IZMJENI RJEŠENJA O IMENOVANJU KOMISIJE ZA POLAGANJE STRUČNOG ISPITA ZA VODITELJA PUTNIČKE AGENCIJE

#### I

U Rješenju o imenovanju Komisije za polaganje stručnog ispita za voditelja poslovnice putničke agencije, Ur. broj: 06-22-992/15 od 12.10.2015. godine, pod rednim brojem 2. umjesto Nedjeljko Babić treba da stoji Šuhra Šehagić.

#### II

Ostali dijelovi rješenja ostaju isti.

#### III

Ovo Rješenje stupa na snagu danom donošenja i objavit će se u "Službenim novinama Federacije BiH".

Ur. broj 06-22-992/15-1/17

24. srpnja/jula 2017. godine  
Sarajevo

Ministar  
**Dr. Edita Đapo**, v. r.

(SI-868/17-F)

## USTAVNI SUD FEDERACIJE BOSNE I HERCEGOVINE

### 1054

Ustavni sud Federacije Bosne i Hercegovine, odlučujući o zahtjevu Načelnika Opštine Tešanj za zaštitu prava na lokalnu samoupravu u vezi sa članom 114. Zakona o zaštiti od požara i vatrogastvu i članom 106. Zakona o zaštiti od požara i vatrogastvu Zeničko-dobojskog kantona, na osnovu člana IV.C.3.10.(3) Ustava Federacije Bosne i Hercegovine, a u vezi sa Amandmanom XCVI na Ustav Federacije Bosne i Hercegovine, na sjednici bez javne rasprave, održanoj dana 14.06.2017. godine, donio je

### PRESUDU

- Utvrđuje se da je članom 114. Zakona o zaštiti od požara i vatrogastvu ("Službene novine Federacije BiH", broj: 64/09) i članom 106. Zakona o zaštiti od požara i vatrogastvu ("Službene novine Zeničko-dobojskog kantona", broj: 5/11), povrijeđeno pravo na lokalnu samoupravu Opštine Tešanj, jer su joj nametnute obaveze bez dodjele sredstava potrebnih za njihovo djelotvorno obavljanje.
- Presudu objaviti u "Službenim novinama Federacije BiH", "Službenim novinama Zeničko-dobojskog kantona" i "Službenom glasniku Opštine Tešanj".

### Obrazloženje

#### 1. Podnosilac zahtjeva i predmet zahtjeva

Načelnik Opštine Tešanj (u daljem tekstu: podnosilac zahtjeva) je Ustavnom sudu Federacije Bosne i Hercegovine (u daljem tekstu: Ustavni sud Federacije) dana 15.12.2016. godine, podnio zahtjev za zaštitu prava na lokalnu samoupravu u vezi primjene člana 114. Zakona o zaštiti od požara i vatrogastvu (u daljem tekstu: federalni zakon) i člana 106. Zakona o zaštiti od požara i vatrogastvu (u daljem tekstu: kantonalni zakon).

Podnosilac zahtjeva je na osnovu Amandmana XCVI na Ustav Federacije Bosne i Hercegovine ovlašten za pokretanje postupka za zaštitu prava na lokalnu samoupravu.

#### 2. Stranke u postupku

Stranke u postupku u ovom predmetu su podnosilac zahtjeva i Parlament Federacije Bosne i Hercegovine (Predstavnički dom i Dom naroda) i Skupština Zeničko-dobojskog kantona kao donosioci osporenih zakona.